



NALINGINNAASUMIK ATAATSIMEERSUARNERMIT IMAQARNILIAQ

**Arctic Fish Greenland A/S, CVR.nr. 12926057, Kullorsuarmi, Tasiusami aammalu
Nuussuarmi piginneqataassutilit Teamsikkut attaveqarfugalugit Royal
Greenland A/S-ip allaffiani Nuummiittumi ulloq 10. maaji 2023, nal. 15.00, ima
oqaluuserisassaqarluni ataatsimeersuarpoq:**

1. Aqutsisussamik toqqaaneq.
2. Ukiumi qaangiuttumi naatsorsuusiorfiusumi ingerlatseqatigiiffiup ingerlanneqarneranik siulersuisut nalunaarutaat.
3. 2022-mut ukumoortumik nalunaarusiamik akuersineq.
4. Ukumoortumik nalunaarusiaq akuerineqartoq naapertorlugu sinneqartoorutinik atuinissaq imaluunniit amigartoorutinik matussusiinissaq.
5. Siulersuisuni ilaasortassanik qinersineq aammalu taakkununnga ajunngitsorsiassanik aalajangiineq.
6. Kukkunersiuismik toqqaaneq.
7. Siulersuisunit aamma/imaluunniit piginneqataassutilinnit siunnersuuteqarsinnaaneq.

Najuupput:

Aktiaatilik Royal Greenalnd A/S sinnerlugu Andor Thomsen. Kullorsuarmi, Nuussuarmi Tasiusamilu piginneqataasut. Pisortaq Frederik Olsen, siulersuisuni ilaasortaq Themothæus Petersen, ingerlatsinermut aqutsisoq Niels Ole Møller. Siulersuisunut siulittaasoq Lars Nielsen nalunaarnermi kingorna peqataanngilaq.

Tamatuma kingorna oqaluuserisassani immikkoortut ataasiakkaat oqaluuserineqarpuit.

Imm. 1

Andor Thomsen aqutsisussatut isumaqatigiittunit toqqarneqarpoq.

Ingerlatseqatigiiffiup maleruaqqusai naapertorlugit nalinginnaasumik ataatsimeersuarnissamut aggersaasoqartoq aammalu ataatsimiigiaqqusissut ilanngussartaalu ingerlatseqatigiiffiup nittartagaani www.arcticfishgreenland.com sapaatit akunneri marluk sinnerlugin takuneqarsinnaasimasut oqaatigaa. Tamatuma kingorna ataatsimeersuarneq piginneqataassutilit akuersinerisigut ingerlanneqarsinnaasutut aalajangiiffiusinnaasutullu nalunaarutigineqarpoq.

Aammattaaq Arnarulunnguaq Kristiansen Enoksen oqalutsigalugu ataatsimeersuarneq danskisut kalaallisullu ingerlanneqassasoq aqutsisumit ilisimatitsissutigineqarpoq.

Imm. 2

Nalunaarut 2022-imut atatillugu ukiumoortumik nalunaarusiammi ilaatinneqartumi qupperneq 6-imiittooq aqutsisumit innersuussutigineqarpoq, tamatumani ingerlateqatigiiffiup akileraarutit ilanngaatigereerlugit 5.498.000 kr. -inik angusai naammaginartuusut oqaatigineqarluni aammalu 2023-mi pitsaasumik angusaqarnissaq naatsorsutigineqartoq siulersuisunit oqaatigineqarluni.

Ingerlatseqatigiiffimmili pitsaasunik angusaqassagaanni piginneqataasut aalisartullu ingerlatseqatigiiffimmut tunisisarnissaat pingaaruteqarpoq, tamannalu ingerlatseqatigiiffiup attaveqatigiilliurnikkut suleqatigiilliurnikkullu tapersersussavaa. Tunisisoqartarnera ukiup siuliani piffissami pineqartumi 111 tonsinik annikinnerusoq Frederik Olsenip tassunga atatillugu ilisimatitsissutigaa, maajilli qaammataani angummassinnaanissartik neriuutigaa.

Ingerlatseqatigiiffiup aningaasartuutaasa aqunneqarneri pitsanngoriarsimammata tamanna naammaginartumik angusaqartoqarneranut iluaquitaavoq.

Nalunaarut oqaaseqaatigineqartut ilanngullugit akerliusqanngitsumik tusaatissatut tiguneqarpoq.

Imm. 3

2022-imut ukiumoortumik nalunaarusiassatut siunnersuut aqutsisumit saqqummiunneqarpoq.

Akileraarutit ilanngaatigereerlugit kaaviaartitat ukiup siuliani 69.270.000 kr.-iusimasut 88.352.000 kr.-iupput. Akileraannginnermi angusat ukiup siuliani -8.689.000 kr.- iusimasut 7.480.000 kr -iupput, akileraareernermilu angusat 2021-imi -5.254.000 kr.- iusimasut 5.498.000 kr.-iupput. Nammineq aningaasaatit ukiup siuliani 5.746.000 kr.- iusimasut ukiup nikinnerani 11.244.000 kr.-iupput.

Ingerlatseqatigiiffimmi suliniuitit assigiinngitsut ingerlatseqatigiiffimmi iluanaaruteqarnermut pitsaasumik kinguneqarput, ingerlatseqatigiiffiullu aktiatigut aningaasaataasa affai 2021-mi angusat naapertorlugit annaaneqartut taamaalilluni uterteqqinnejqarput.

Ukiumoortumik nalunaarummi kukkunersiuisut nalunaarutaat oqaaseqaatitaqanngitsoq ilaavoq aammalu ukiumoortumik nalunaarusiaq ataatsimeersuarnermi akuerineqartussanganorlugu ingerlatseqatigiiffiup siulersuisuinit pisortamillu akerlilerneqanngitsumik inassutigineqarluni.

Aammattaaq ukiumoortumik nalunaarusiapi ingerlatseqatigiiffiup nittartagaani suli takuneqarsinnaanissaa innersuussutigineqarpoq.

2022-imut ukiumoortumik nalunaarusiassatut siunnersuut akerliusqarnani akuersissutigineqarpoq.

Imm. 4

Ukiumoortumik nalunaarusiammi qupperneq 11-p imarisai angusatigut atugassiissutissatut ima siunnersuutitallit aqutsisup innersuussutigai (TDKK):

Sinneqartoorutit nuunneqartussat	5.498
Iluanaarutit	0
Ukiumut angusat	<hr/> 5.498

Ingerlatseqatigiiffimmit iluanaarutinik tunniussinissamut periarfissat eqqartorneqarput, 2021-mili amigartooreuteqarsimaneq pissutigalugu iluanaarutinik tunniussisoqarsinnaanngilaq. 2023-mi angusat periarfissiippata iluanaarutinik ukiup tulliani tunniussisoqarumaarpoq.

Tamatuma kingorna siunnersuut akerliusqarnani akuerineqartutut aqutsisumit nalunaarutigineqarpoq.

Imm. 5

Siulersuisuni siulittaasoq Tønnes Berthelsen, Kaka, ajoraluartumik toqukkut qimagussimasoq, Royal Greenland A/S-imilu ingerlatsinermut aqutsisoq Niels Ole Møller taanna paarlallugu siulersuisuni ilaasortanngussasoq siunnersuutigineqartoq aqutsisumit eqqaaneqarpoq. Aammattaaq siulersuisunut ilaasortat Frederik Olsen Themothæus Petersen, Lars Nielsen aamma Andor Thomsen qineqqinneqassasut siunnersuuteqartoqarpoq. Siulersuisunut ilaasortassatut siunnersuutigineqartut aqutsinikkut suliaat allat paasiaqarfingiaraanni nittartagaq www.virk.dk innersuussutigineqarpoq.

Siunnersuut akerliusqarnani akuerineqarpoq, tamatumalu kingorna siulersuisut ima katiterneqarput:

Lars Nielsen,
Frederik Olsen,
Timotheus Petersen,
Niels Ole Møller,
Andor Thomsen.

Siulersuisut siulittaasussamik toqqaassapput.

Siulittaasumut ajunngitsorsiassat ukiumoortumik 50.000,00 kr.-iussasut siulersuisunullu ilaasortanut 25.000 kr.-iussasut siunnersuutigineqarpoq. Siunnersuut akerliusqarnani akuerineqarpoq.

Imm. 6

EY Grønland piginneqataalluni kukkunersiuinermi ingerlatseqatigiiffittut akuerisaasoq ingerlatseqatigiiffiup kukkunersiuisuatuut akerliusqarnani toqqrneqaqqippoq.

Imm. 7

Pifissaliunneqartup naannginnerani allakkatigut siunnersuutinik tigusaqartoqanngitsoq aqutsisup oqaatigaa.

Ingerlatseqatigiiffimmi piginneqataassutinik pisineq tunisinerlu eqqartorneqarput. Maanna piginneqataasut piumagunik piginneqataassutitik ilasinnaavaat. Piginneqataassutinik pisinermi nalip ilaa taarsigassarsissutaasinnaasoq aamma periarfissaavoq, aalisartulli akiliisinnaasut siulliunneqassapput.

Nunatta avannaani najukkani piginneqataasut ingerlatseqatigiiffimmi piginneqataassutit 30 %-ii tikillugit pisiarisinnaavaat, maannalu piginneqataassutit 20 %-it missaannimmata piginneqataassutinik annertunerusunik pisinissamut periarfissaqarluarpoq. Piginneqataasussat tunisisartussallu amerlanerit kissaatigineqarput.

Ingerlatseqatigiiffik pillugu arlaannik paasisaqarumagaanni eqqartugassaqaraanniluunniit pisortaq Frederik Olsen siulersuisuniluunniit ilaasortat saaffigineqarsinnaapput. Niels Ole Møllerilu maanna ilaasortanngorami aamma saaffigineqarsinnaalerpoq.

Ataatsimeersuarnissap tullia piginneqataasunut pitsaanerusumik nalunaarutigineqartariaqartoq, Teamsillu, atorluarsinnaasutut ilisimaneqalersup, atorneqarnerani maanna periusissaq pitsaanerusumik ilisimatitsissutigineqartassasoq eqqaaneqarpoq.

Immikkoortumi tessani allanik oqaaseqartoqanngilaq.

Allanik oqaluuserisassaqanngimmat ataatsimeersuarneq naammassineqartutut nalunaarutigineqarpoq.

Aqutsisutut:

Andor Thomsen